



UNIVERSITÄTS-
BIBLIOTHEK
PADERBORN

**Selectae Christiani Orbis Deliciae ex Urbibus, Templis,
Bibliothecis, et aliunde**

Sweerts, Pierre François

Coloniae Agrippinae, M. DC. IIX.

Lvcensia.

[urn:nbn:de:hbz:466:1-69234](https://nbn-resolving.org/urn:nbn:de:hbz:466:1-69234)

subritati consulens Cosmus Medices, Florentiæ
& Senarum Dux, à partu virg. Anno 1558. Calend.
Nouemb.

LVCENSIA.

IN LVCAM IVL. CAES.
SCALIGER,

THusci delitium, Thusci laus inclytæ cæli,
Iustitiæ illeso robore Luca potens,
Lucapotens opibus, felix concordibus armis,
Cui veneranda fides, mens pia, pura manus.

IN S. SALVATORE.

Accipe chare pater, quæ natus munera tradit,
Munera si cineri sunt bene grata tuo.
Tu mihi das lucem vitæ, do mortis honores.
Heu, Heu! quàm dispar gratia nostra tua est!

IN D. MARTINI.

MONVMENTVM DVCIS ADELBERTI
anno 1006.

Hic populi leges saxi sub mole sepulta,
Hic ius, paxque iacent, hic patriæ auxilium.
Pes claudi, vestis nudi, solamen egeni,
Noster Adelbertus Dux bonus atque pius,
Gentib. externis timor & pavor, vnica tandem
Militibus proprijs gloria summa suis.
Quàm fortis fuerit, nouerunt vltima terra,
Quàm bonitate fuit, dicere lingua nequit.

P +

In sexto

*In sexto decimo Septembre notante Calendae
Membra sua hic posuit funereo gemitu.
Quisquis ad istum tumultum, culparum facta tuarum
Ante Deum recita, cum precibusque iuua.*

IN DIVI FRANCISCI.

*Augustinus ego Chiuizaneus hic requiesco
Nemo mori nescit; viuere discere, vale.*

IN S. IOANNE.

HIERONYMI VELLUTELLI.

*Hic dum vexillum gerit, & te Luca gubernat,
A coniuratis vulnere saeva tulit.
Felix ille nimis, qui dum cadit Ense, peritque,
Et seruat patriam, de nece victor ouat.*

Anno Domini M. D. XXII, Mens.
Iulio, Gerardus F. par. opt. Pos.

IN AEDE SERVORVM.


IANO GRILLO patricio Genuensi patri opt.
ac B. M. Lucas Filius Pos.

*Qui legis, an censes Ianum perijisse bifrontem?
Qui ventura videt, lapsaque, non mortem.*

IN PALATIO.

Perlege, quisquis ades, libertatis fautor, &
scias, qualis fuerit in Republic. nostra Podio-
rum familia, Horum opera Petrus Cenarius, vultus
ex Antianis, anno 1436. interemptus est. Eius
focij deinde ann. 1522. libertatis opprimen-
dae animo Hieronymum Vellutellum vexillife-
rum Iustitiae foedissimè trucidarunt. Tota verò
ciuitate arma contra eos capiente, parricide
aufu-

refugerunt. Rebelles facti cōscij, capite sunt multati. In alios eiusdem domus multa extant decreta. Deo agantur gratiæ, & hæc obliuioni non tradantur.



FLORENTINA.

IN FLORENTIAM IVL. CAES.
SCALIGER.

Parna fluentisonis aggesta Fluentia ripis
Mollia de nitido nomina Flore capit.
Fasula regnabat: verum meliora sequutus
Martius antiquas detulit amnis opes:
Diuinitas Hera: Mercurius discrimina linguæ
Mercurius varias ire redire vias:
Ambitiosa, ferox, bellacia, flammæa, Mauors
Pectora, magnificam docta Minerva manum:
Iuppiter ostendit cælestes mentibus aulas:
Sirenum tribuit dulcis Apollo sonum.
Vera vetus Roma soboles, aliena requiris:
Mutua quæ proprias vertis ad arma manus.

IN PORTA CIVITATIS.

CAROLVS V. CAES. August, cùm insigni omnium Christianorum beneficio immanem archipiratum regno Tunetano pepulisset fugassetque; Siculo, Neapolitano suis regnis constitutis; Roma profectus Florentiam, hanc portam cum magna pompa ingressus, populo cuncto præ lætitia gestitute, ab Alexâdro Medices ciuitatis Duce, cui Margaritam filiam desponderat, illustri apparatu, Regali-